

Վիրահայոց թեմի Ախալցխայի շրջանի եկեղեցիների և մեկ հուշամատուռի օծումն ու վերաբացումը

Ամենայն Հայոց Կաթողիկոս Գարեգին Ա-ի օրհնությամբ, Մայր Աթոռ Սուրբ Էջմիածնից Ախալցխա մեկնեցին Վիրահայոց թեմի առաջնորդ Գերաշնորհ Տ. Գևորգ արքեպիսկոպոս Սերայդարյանը, Ախալցխայի շրջանի հոգևոր տեսուչ Գուրգեն արքեպ Աղաբաբյանը և Մայր Աթոռի սիարթան քարեշնորհ Հարություն սարկավազ Փիլավյանը՝ կատարելու տեղի եկեղեցիների և մեկ մատուռի վերաբացման և օծման արարողությունները:

Նույն օրը, երեկոյան, եկեղեցիներում կատարվեց նախակատյաց արարողություն:

Երեքշաբթի օրը, ապրիլ 23-ին, առավոտյան ժամերգությունից հետո, հոգևոր տեսուչը և եկեղեցու պատասխանատու անդամները պատրաստություն տեսան մատաղի օրհնության: Կեսօրին տեղի ունեցավ եկեղեցու օծում: Առաջին եկեղեցին Մեծ Պաման գյուղի Ս. Խաչ եկեղեցին էր, ուր հավաքվել էր գյուղի ողջ բնակչությունը: Օծման արարողությունը գլխավորում էր գերաշնորհ Գևորգ արքեպս. Սերայդարյանը: 70 տարվա ընդմիջումից հետո ժողովուրդն առաջին անգամ ներկա եղավ հոգեպարար արարողության, որը ունկնդրում էր սրբարար մեծ ուշադրությամբ: Արարողության վերջում թեմի առաջնորդ սրբազանը և հոգևոր տեսուչը քարոզ խոսեցին: Իրենց հեղինակալական խոսքեր ասացին նաև մտավորականներն ու պետական պաշտոնյաները:

Օծումից հետո տեղի ունեցավ պսակադրության արարողություն. հավատացյալներն ուշադրությամբ հետևեցին սուրբ խորհրդի կատարմանը: Հետ արարողությանց, եկեղեցու բակում տրվեց մատաղ, որին ներկա էին քոլոր մասնակիցները: Գերաշնորհ Գևորգ սրբազանը շնորհակալություն հայտնեց Վեհափառ Հայրապետի անունից:

Նույն օրը հոգևորականաց դասն այցելեց Մեծ Պաման և Փոքր Պաման գյուղերի դպրոցները, որտեղ զրույց անցկացվեց աշակերտների, ապա ուսուցիչների և դպրոցի ղեկավարության հետ:

Սազել գյուղ— Հակառակ անձրևային եղանակին, ժամը 15-ին տեղի և հարակից գյուղերի բնակչությունը հավաքվել էր Ս. Խաչ եկեղեցու բակում՝ դիմավորելու հոգևորականներին:

Սրբազան Հայրը իր օրհնությունը տալով ներկա հավատացյալ քաղնությանը, հոգևոր տեսչի և սարկավազների հետ միասին կատարեց օծման արարողությունը: Նախ կատարվեց «առ դրան» արարողությունը, որից հետո «Զողորմութեան Քո զդուռն բաց մեզ Տէր»-ով սրբազանի սրբած ձեռամբ բացվեց դուռը, և սկսվեց սրահի, խորանի, սեղանի և ավագանի օծման արարողությունը: Այնուհետև քարոզի ժամանակ սրբազան Հայրը բարձր գնահատեց հոգևոր տեսչի կատարած մեծ ծառայությունը և քրտնաջան աշխատանքը՝ եկեղեցիները վերանորոգելու գործում, որը տևել էր ընդամենը երկու տարի, նաև շնորհակալություն հայտնեց ժողովրդին և տեղական իշխանություններին՝ իրենց ջանքերն ու աջակցությունը բերելու և այդ մեծ գործը իրականացնելու համար:

Արարողության վերջում հանդես եկան հոգևոր տեսուչը և գյուղխորհրդի նախագահ Մարտիրոս Պետրոսյանը, որից հետո տեղի ունեցավ մանկան մկրտություն: Այնուհետև Մարտիրոս Ալեքսանյանի տանը տեղի ունեցավ հյուրասիրություն:

Օձյալ եկեղեցիներն այժմ բարվոք վիճակի մեջ են, իրենց վերանորոգությամբ և մաքրությամբ արժանի Աստծո տաճար կոչվելու:

Հաջորդ օրը, ապրիլի 24-ը, բացվեց անձրևի արցունքոտ պարզությամբ: Լոռայում էր իջել Ախալցխա աշխարհի վրա: Թույլ քամին ասես եղեռնի նախատակաց սոսափն էր տարածում Հայոց գյուղերի վրա: Բնության մեղամաղձոտ թախանձաճքին լուծվեց եկեղեցիների զանգերի տխուր դողանքը և արձագանքն ալիք-ալիք տարածվեց հայ ընտանիքներից ներս՝ արթնության և հրավերքի լուրը տարածելով հայոց շենքերում:

Հոգևորականաց դասն առավոտյան ժամը 7-ին գտնվում էր Օրալ գյուղի Ս. Գրիգոր Լուսավորիչ եկեղեցում: Գյուղացիները խումբ-խումբ գալիս էին եկեղեցի և իրենց հոգու աղոթքը խառնում ժամերգության և հոգեհանգստյան արարողությանը ի Տեր՝ Ամենազոր Աստծուն, Հայ ազգի նախատակների և մեջեցյալների հոգու փրկության համար: Հետ արարողությանց, սրտաքույս քարոզ խոսեց թեմի առաջնորդը, որից հետո ժողովրդի բազմության հետ այցելեց գյուղի Ս. Գևորգ մատուռ՝ կատարելու օծման արարողություն: Այստեղ նա արարողությունից հետո հավուր պատշաճի քարոզ խոսեցին թեմի առաջնորդն ու հոգևոր տեսուչը: Այնուհետև հոգևոր դասը ընդունելություն գտավ եկեղեցու նորոգության բարերարի՝ Խաչիկ Սահակյանի հարկի ներքո: Իսկ ընդունությունից հետո հոգևոր դասը սրբազան Հոր գլխավորությամբ այցելեց գյուղի տարրական դպրոց: Հանդիպումը տեղի ունեցավ դասարաններից մեկում, ուսուցիչների և աշակերտների մասնակցությամբ:

Փոքր Պամաճ. Նույն օրը, ցերեկվա ժամը 14-ին, Մայր Աթոռի պատվիրակությունը հանդիպեց Փոքր Պամաճ գյուղի միջնակարգ դպրոցի մանկավարժների հետ: Դպրոցի ակումբում, սրբազանի Հայրական խոսքից ու օրհնությունից հետո, սկսվեց սզո ցերեկոյթը՝ նվիրված Ապրիլյան եղեռնի զոհերի հիշատակին: Նմանատիպ հանդիսություններ էին կազմակերպվել նաև մյուս գյուղերում: Սզո հանդիսությունից հետո, անձրևի թաժոտ արցունքների ուղեկցությամբ, հոգևոր դասը բարձրացավ գյուղից հարավ գտնվող «Կարմիր բլուր» կոչվող բարձրադիր սարահարթի կատարը՝ օժնու համար նոր կառուցված Ապրիլի 24-ի նախատակաց հուշամատուռը: Նախատակաց հուշամատուռի օծման արարողությունն անցավ անձրևի ներքո, հոծ բազմության ներկայությամբ: Օծման արարողությունից հետո, արցունքոտ այքներով, Գևորգ արքեպս. Սերայդարյանը հոգեքույս քարոզ խոսեց, իսկ տեղող անձրևի տակ կանգնած բազմությունը քաղ չությամբ լսում էր սրբազան Հոր սզո աղոթակիր խոսքը, խոսք, որ ցնցեց մարդկային հոգիները՝ ազգային պատմական ողբերգության տխուր տեսարանների նկարագրությամբ և պապենական հավատքն ու եկեղեցին զորացնելու ազդու արտահայտություններով:

Հաջորդ օրը, հոծ բազմության ուղեկցությամբ, հոգևոր դասը ճանապարհվեց դեպի Մայր Աթոռ Ս. Էմինի՝ իրենց հետ տանելով Ախալցխայի լեռներից իջնող քամու բարբառող սոսափը: Օրհնություն իջավ մեր աշխարհի վրա, և նորոգվեցինք մեր պապերի Աստուծով. ԱՄԵՆ:
